

四庫全書

史部

欽定四庫全書

欽定熱河志卷一百七

藝文一

志乘載藝文文獻並徵之義也熱河自

聖祖仁皇帝肇啟

山莊文物聲明燦然大備我

皇上每歲駐蹕

奎藻日新

大文炳耀臣等於卷首恭列

天章用昭弁冕至於木蘭秋獮

命諸

皇子隨侍

行圍習勞肄武之餘兼攻文藝所著關鹿賦諸篇選義

考辭稟承

聖製而諸臣扈從賡颺潤色

儀容流連景物皆得仰邀

睿覽雖摹繪

日月無當萬一而珥筆之榮於斯為盛謹以次採錄登
諸簡末其前代著作流傳益寡茲蒐討史乘參以
碑碣畧分門類各依時世著於篇志藝文第二十
四

本朝

賦

闕鹿賦

皇四子永珽

時維八月序值三秋暑退

仙莊居白露而光看湛湛涼生靈囿警蒼鹿而聲聽
呦呦隔蘭坂兮烟迷有呼必應下松岡兮雲羃獨
往何求牝牡交馳應各尋其匹偶氣機相感乃竟
視若仇讐嚮分類而異游茲隔羣而互哨欲諧伉
儷因先致其聲聞將效綢繆冀共遵其號召勢難
並立何妨賈勇以憑陵情在必爭豈故恃強而攻
剽突如以決勝負大似雙雄居然若保室家殊堪

一笑于是或深藏夫蒙翳或高據夫嶮巖毫釐相
誇常奮發而攘彼肆行自快遍籠絡以私其豎利
角以難撓意誠有待挺強項而易怒志在無遺以
逸待勞恐四方之尚多窺伺以寡敵衆嗟一戰之
未定安危始跂跂兮疾趨復驚驚兮小住蓄威未
逞奚殊磨厲以須銳志方韜反覺從容以素當轟
鼻而似嗅千山遙落腥風及瞠目而前迎萬樹橫
披薄霧計惟事夫并兼義不容夫返顧及其忽焉

相遇驀焉若驚如觸如蠻有洶洶難安之象患得
患失存多多益善之情毛戟張而蝟磔聲雷轉而
風鳴乍竦體而若矜銛鋒互抵遂舉頭而弗讓鉏
刃交撐慣角勝以爭雄務當衝而挫敵養茸日久
又逢枝癢之秋萼尾期臨轉奏戎猗之績方掩羣
而多獲得朋自樂崇林或羸角而紛逃走險寧辭
峭壁縱未若羝觸之入爰又何事雞鬪之須檄也
哉迺知嗜慾之性常開爭奪之端念蟋蟀之鳴階

每有心於爭長睹螳螂之怒輒還無故而自殘況
大欲之所存寧辭較力抑微情之攸託詎肯懷安
恐覆蕉之夢醒虞擇音之情闌今者寄跡丹邱呼
羣翠巖知時慕侶咸濯濯以懷

仁應候尋媒或憊憊而近

輦惟我

皇父天毫體物開萬象於鴻濛

睿藻窮形識百昌之流行謹拜手而獻賦敢謂潘安仁

射雉之篇雖援筆以陳詞毋忘揚執戟雕蟲之辯
鬪鹿賦

皇六子永琰

維鬻鬻之角獸實充牣於

梁騶有食革之至樂無翳叢之遠憂以雌以雄既招
徠乎儕伍或羣或友更攘攷夫匹儔是有爭心頗
異巨蛩之救居然雄長要非蠻觸之讐繫夫茸以
陰萌蛻因夏草枝格則銳可觸林末豐則堅能礪
石雖走險而不辭將忿爭而何惜故解角孕麋之

候類自相依而尋聲孳尾之時猜還生隙時則氣
清榆塞景霽

雲莊露初溥兮湛玉風頻爽兮吹商長楸蕭颯以寫
籟秋英蘼靡以霏香當馬騰弓勁之時彼伎伎者
豈遑假息非豺祭鷹征之比即牲牲也亦遑強梁
聲氣兮相應材力兮相量入山徑之崎嶇何殊伏
莽踞密林之灌翳究作爭場則見夫屹兩敵以爭
前蟲八叉以相接試焉而近陡覺矜豪突如其來

何煩用譟氣全憑於一擊齒卽刀鉞弊奚待於投
戈角當矛鈇偶然小挫勢益倍其崢嶸豈有中休
勇猶賈其敏捷雜畚平陵之坂棲雀驚巢摧藏幽
蔚之墟喬林振葉殆勝負其將分乃踉蹌而少荅
盖其始也恃摩厲之孤傑其繼也收衆夥之羣雌
羗勝一而獲百卽奪彼而益茲並無勞乎誘致徑
自快乎取携獲地應機洵有擅場之樂倏來忽往
竟同掉鞅之奇彼夫鵠喜爭巢雞嗔伏鷄鷓鴣奪

栗竦翼曾聞蟋蟀占窩先登罕購青林以擊場為
戲尚借驍媒野人以由鹿為長猶須設覆孰若此
之不傷類以附人非發蹤而勇鬪思決勝以爭雄
恥狐疑而撓逗宜乎秉靈氣於瑤光樂蕃孳於
父園也况夫棲遲芝徑飲啄蘭除友綺埒之馴鶴偕
銀沼之游魚當山輝川媚之辰殊看景洽况松翠
楓香之頃彌覺情舒閱天上之春秋助風光於

閨苑游壺中之日月邀

顧盼於仙居

皇父乃揆天章博物趣暢

冲襟拂毫素哨以類其情見人事之化裁鬪自率其性

觀天機之呈露無論為靈為蠢總原亭毒無私比

諸能躍能飛畧備

燕閒一顧

子臣欣叨

扈從私摹繪於

前篇敬捧

瑤章增誦讀於

今賦

鬪鹿賦

皇八子永璇

有鹿若逸民過龍沙田父而問曰於鑠哉吾
皇之允文允武也懿時巡以獮田兮率

武烈而由舊聞

萬幾之少閒兮灑

天藻以立就蓋

覽夫牝牡者求牡而嘯羣跂跂焉游牡而競鬪其結耦而行也恣寢訖以娛嬉其作氣而前也奮犄角以用救事擬于爭雄勢儕夫禦寇如是者固山虞之未及詳而實圖經之未嘗究者也子盍為我言之田父曰諾若夫金序初殷乎八月兮秋蒐聿邁乎三田般乎總總兮將踐于木蘭之園休乎喬喬兮早駐于

仙苑之巔歷垂屐兮神牽岵岵之控南樓西省也

熱河

古興州本唐奚王西省地
又遼之南樓亦在州北境

叢靈淑兮鬱林穹邃之
蕃平仲君遷也其畜則麋鹿麋麋麋麋麋攸伏
礪阿咸若來前速者超軼躔者迴旋乃或羣或友
孳尾而安焉於是屏玉仗披靈境瞻儵俟之在林
兮

乘吉驄而度嶺乍呦鳴而求其友聲兮爰厲嚮而改其
寧靜豪奪者逞兼并之雄兮覲覲者昧強弱之等
急走險以逐逐兮勢相凌而不相並故其拗怒也

氣迅厲以撼鼓薄其觸鬪也聲猛獷而激寒颼其
甘心于折衝也何憂乎重耳之伏鹽其腦其致命
于春戈也何慮乎僑如之軾見夫眉挺角叉兮無
前之迎去聲憤齧齧兮無後之隨一俯一仰兮觚隙
而動一縱一橫兮兼弱以欺已跋前而躓後猶中
乾而外強惟其懷失儷之是恥喜得偶之有光故
迺枝格撞秘繚緩振突以蹂躪乎町疃之場方且
厲飽噬于虎搏逞疾擊于鷹揚夫何齧齧之既羸

而壯往不已也何倔犂終昔而踣復張也何酣爽
傑黠而柔敵剛也彼鹿之鬪也如是是其釁也有
由其戕也自作徒為決失得于公麼而豈知虞人
之不能暫忘也哉二老既退于是臣永璇跪而稱
曰憶往年之從狩幸長哨之稍知獲伊尼以恭

進向

穹廬而敬持

去年扈

駕木蘭

子臣永璇

茲林中之鬪

于僧機圖圍哨獲一鹿恭進

獸愧物象之未窺有機斯應莫適而為行遇軀劉

之候聿符驚擊之期審化樞之變協驗角力之差

池仰繹

睿裁于茂育豈惟旁暨于鹿斯

鬪鹿賦

皇十一子永理

援神經以體物驗金方之瑞獸文斑斑以素綦質
皎皎以絀絀蹄四踣而交蹤角雙歧而戴脰狎珽
龍于中林散瑤光于崇岫採仙蒲而向溫結遐齡
而游囿稟馴性而無猜紛和聲而相就感清商之

激揚始求塵而肆門於是蕭蕭漠野寥寥素戛寒
風晝厲白露宵淪上蘭結凍榆塞澄氛貔虎闐其
攫搏鵬鷃迅其騰騫同摯猛于秋肅變和樂于春
溫矧麇麇之感氣豈羣友而仍馴邂逅乎林麓衝
突乎陵原其始也據蒼岩而牝聚倡長哨而情通
恃強梁而挾耦恥矍索而無從既矜多而妬衆又
攘敵以興戎其繼也捷蹄交赴捷角相攻剡戈轟
項堅鉞剝胸漲雄心而獨進鋌猛力而奚容蔑情

親于舊侶銳終昔于新茸則有莽莽奔驅翼翼震
駭或憑怒而無前或蓄威而有待或側勢而偏乘
或迂途而巧給或驟捷而心驕或小挫而氣倍傑
僞營厲趙趙踪跨轆轤趙趙布獲蹕蹕何竭何盈
甚矣其憊軒峯轡谷嚮撼崖岬翳絡橫縱震電揮
霍鳥警休巢狸惕屏壑于是推濯濯折嶽嶽跂足
蹙斑毛剝戰勝者昂藏亡羣者落漠填餘勇而未
休振威稜而復作天地絪縕萬物化醇凡有血氣

皆有爭心有觸藩之柔毳與芥羽之翰音苟婚媾
而非寇何干戈而日尋彼徐女之歸楚又夏姬之
適申儼烝人而尚門孰品物而能任諒同求而異
志亦何感乎紛紜

聖王乃建鳳旆鳴龍騶觀禽廣野講武涼秋發軔于薊
北弭節于興州睇中原之虞虞聆閒館之呦呦慨
羣倫之險走閔人類之陰謀研瑰形以精繹揚麗
藻以冥搜偉休符而肆應綜大象而咸周

關鹿賦

皇十二子永璫

伊沆瀣之初寒喜新秋之巒岫

聖德日躋被勲華于文章

仁恩天包逮草木與禽獸塞山含崩劣林木標錦繡呦
呦鳴哨互爭牝而決豪強虞虞伊尼占高岡而逞
狠關懿此靈禽遊於

文囿丹楓之嘯兮護茲羣雌白雲之隈兮功歸獨奏
絕有力者爭之益多弱無能者失其所守因離友

合與接為構題相抵兮山額支相交兮輻輳或覺
於邱陵或聚于林樹將籠所有於幽巖乃併其力
於孤嶼抵其角兮八义盖所爭兮一侶於是節屆
中秋始就嚶咿聳查丫之角占孳尾之時決其勝
負恃其拄檣為所敗者是走擇所勝者是隨如爭
穴之絡緯同爭啄之雄雞孳甦甦之子走攸攸之
麝緬生機之勃發合天地之端倪

夜亮木賦

朱彞尊

皇帝避暑於興州時維昭陽大淵獻之秋尋捺鉢之舊蹟
啟帳殿於仙陬六屯內肅千廬外周雲容容兮四
合水泱泱兮交流風颭颭兮徐來雨霏霏兮乍收
爰有物焉星芒遙逗明威露螢之尾吐吞火鷄之
味謂野燒而不延疑神燈而不輟乃命俞騎即而
視之是為魔木有枿無枝黝同桴炭澁若榴皮如
場之轉碌礪如絳之拽豐碑載以堅車駕之健犢
入重關度平谷遷郢匠以運斤俾奄人以司局舍

科上稿存堅多心近

天顏兮咫尺位祕宇之崇深鑽不勞兮司燿燎無灼兮烘
燂等壁夜光類珠宵映方角枕而輝盈比風簾而
神定四照儼若木之華六宮擬賓連之慶豈非
聖德之咸臨固無遠而弗鏡宜神珍之畢效雖枯木朽株
亦疇德而瑞

聖

嘉禾賦

并序

王之樞

康熙三十有一年

皇上省方古北口外鑾輿所過百穀蕃殖中有嘉禾叢生
一莖數穗實穎實粟聯疇被畝爰

命驛致闕下昭示羣工

臣

伏念書傳所託惟德動天苟非

聖德淵粹通於神明豈能使日星霜露之精暢被草木以
成奇瑞矧茲粒食蒸民所天非若簞蒲蓂莢朱草
華平徒稱瓌瑋蓋天所以慰

聖人之憂勤而垂恩儲祉也

臣

昧學少文詎克美

盛德之形容揚英聲以騰茂實徒以躬逢盛事願效衢歌
亦猶測量天地繪畫日月云爾謹拜手稽首賦曰
后之神靈實超邁于古先心宣仁以淑義躬闡坤而握乾
烈厖鴻以巍峻恩布濩而綿連膏潤滋乎后土協
氣奮於河山無一夫之失所暨萬物而皆然和三
靈與百福帳九垓與八埏以

宵旰之靡寧思民隱之弗宣藉

省方以為觀遂時行而應天當秋氣之清朗披金風之淅

澁輞碧草之棲棲閱丹楓之歷歷望闕雲之曉舒
聽河流之夜激澤馬鑣連山車轂擊旌建雄虹旂
橫雌霓飛芝蓋於隰原轉風烏於亭壁道穰隴以
停驂聞幽歌而控勒澗複林長阡紆陌逖塋疆刻
鏤菽荏鏤績風布葉以離披露垂條而涓滴則有
嘉禾呈異侍從傳譁挺生上腴族類奇葩每一莖
而數穎蓋本合而歧斜根密蒙以攢布枝重疊而
交加沃夜澁以凝實迎朝陽而吐華真太平之奇

瑞鵠史冊而爭誇爾乃

皇情斂抑

睿慮宏圖不矜千里之駿罔珍照乘之珠却貢則永九火
闕免輸則玳瑁珊瑚謂雙歧之特出視九穗以無
殊勿張皇而失實勿揚厲以加誣偶因從官之採
擷

命載輕輶之逶迤集鸛班之濟濟開雉門之戢戢朱宮翠
靄紫禁香多離離綴蕾采采含科歡騰有位喜溢

鳴珂知符應之不虛信嘉祥之有以彼夫蒿宮譜
經芝房歌史孝竹之頌有聲瑞木之文如綺縱表
異以示奇皆浮夸而譎詭又若種異不周符稱北
里九熟四熟之奇元山玉山之旨雖信美而無徵
何嘉名之足侈惟我

聖皇敬天之命合契剖符內霑外潤省夏甸以為度操南
風而解愠幾有開而必先德無倡而不應異擢為
陶虞之祥同穎乃成周之慶歷百世而同軌洵後

先而比聖伊微物之托生亦遭時而得舉日月播
精雨露資茹含英則噓喻山川練質則經過寒暑
偶衆穠以叢生獨亭亭而自處茲乃拔起田間輝
煌天府近

帝都之光儀承

九重之笑語排金門而入玉堂雜珪璧而親袞黼典司則
什襲為珍拜舞則千官如組皆以

聖人有道念切無逸和氣迎祥惠風迪吉即讓美而弗居

終騰光於有餽載牒府以書年被宮商而應律昭
靈契於來茲貽休聲於罔極

秋塞大獵賦

并序

汪由敦

乾隆十有四年秋

皇帝獮狩於塞上七月初吉奉

皇太后鑾輿發軔於京師

諸皇子皆扈從經熱河抵木蘭蒙古王公額駙台吉
鱗集迎覲率衆簡精銳以從事於行圍三驅禮成

彌月旋軫

臣

叨侍

清蹕獲覩羽獵之盛竊伏思在昔上林長楊近屬畿甸
之內動稱殷天動地野盡山窮故或恐啟後葉之
侈靡或恐農民不得收歛此相如揚雄之徒所謂
雍容諷諭冀覺悟於一得也今獲生於今日仰覩
我

皇清之拓迹垂統

聖天子之不揚光烈將必睠專失所舌橋而不能下

臣

才孱不足揚厲

鴻休彰明其所以顧遭逢之幸不可以默謹獻賦曰歲
在屠維月惟夷則白精莅辰金官奉職

天子順時節而布令馬比物而士齊力七萃洸黷以前
驅招搖襍禪而直北時則禾黍鋪荼嘉穀被隴疑
疑或或恡恡懞懞彌平疇而無際蔚雲谷而濤湧
一莖九穗未足陳太史之瑞兮實穎實粟老農幾
不能名其種亘高原下隰而不可辨兮由郊圻以

達乎邊陲戒衛士之蹂躪引馴馬而避之紛萬寶
之在日雖野袞錦穀谷填瑣璣無足以喻其絢爛
而陸離宜

乘輿之按節而神怡也而乃歷黃圖經赤縣次離宮即
行殿仍衡室之

前規安樸素而戒營繕覽古北之雄闕朗天門之四扇裏
羊乎避暑之清都弭

翠華而息晏寥宇廓清露溥馬蹻蹻士桓桓林衡翹首

欽定四庫全書

欽定四庫全書

而待命典澤戒事而守官長矛萃縱迺卒澶漫
天子乃張唐夾而御腰褭星陳天行以幸木蘭伊並塞
之名王襲衣冠者累百奉湯沐而親肺腑荷

累朝之釀液仰

神武之健行震

天威之赫弈匪徵發期會而奔走來庭會青城而有繹
貢飛黃而效賁驅號虎而執役益以索倫狡騎期
門禁旅追風迅發開石飲羽按轡如怒控弦如舞

左旋右抽忽仰忽俯恒擇肉而命中苟橫驚其必
取爾乃申之以軍律聯之以編伍越重岡陵深阻
起澗壑輻榛楛衆屬目乎前旌肅進止其有序少
焉呼聲謹重圍合四纛馳千騎帑首尾應遠近接
驢駢轆轤沸渭迢遞封狼跳躑而竄突黃羊騰希
而竟捷元熊跋踴而羴羴顧兔脫走而輕躡麋麋
羴麋之屬總總搏搏拄角交項踢蹴而困懾乃抽

荊蒲彎

天弧麗龜決胆自標達鬪試應弦于壹發殪猛虎於負
隅將以示

威容於誓御肆僬佼于公徒故埵視嶄巖塊晚窄畧而
未嘗不範我之馳驅已乃他他藉藉充牣周陸

念効獲之孔多命弛圍而舍諸符解網於天乙豐惠風
於駒虞聿計鮮而頒禽紛駝載而車輪夫乃知練
戎校武異夫從獸之為娛也昭仁秩禮異夫竭澤
而不留其有餘也間從掌故竊聞夫木蘭之所自

焉其地也南襟灤江北枕興安左控巴林右引奈
曼翁牛特喀喇沁諸蕃部之環繞而碁布者儼拱
衛於畿寰其山則崑崙崑崙崑崙崑崙崑崙崑崙
有岌有岌龍窠乎龍堆千疊之崇顛其水則汨
渾沸潏潏瀆瀆為沮為澤為檻為沚潛演乎羊腸
百折之迴川凡毛角蹄迺之儻儻俟俟者莫不蕃
字衍息于其間木則樺靡留皮松仍落葉黃榆望
秋而飈實丹楓經霜而眩暎其他交柯挺幹與夫

蒙茸薈蕞者復蓼蒨而蒞獵其陽則紫菊金蓮揚
葩含芬敷陞緣漬其陰則嚴霜冱水慘廩凌兢白
草鬪鬐益數百里之內旬日之中而氣候判乎其
不同條片雲兮散湧灑凍雨兮落濛或密霰兮交
加更飛電兮相攻菑畬不可冀其有獲井畝不可
即其田功是以界以虎落殊其疆索匠氏不營司
空弗度殆扶輿融結之奧區故外藩不敢私有而
以供靈囿之表貉緬惟

聖祖之長駕遠馭荒高山於天作於鑠哉我

皇之紹休繩武拓戶牖於大漠撫列藩而浹之以霽洋
咸覓趨而雀躍且方今塗燧銷聲靈燭賓燹革心
候尉謹約梯航琛賫肖翹咸若安可以履泰而忘
危懷安而示弱仰

聖蹟之孔彰煥

遺徽其如昨故不憚涉埃壘而席戎鞍冒風霜而勤旃幕
即麟趾之振振且豫教習勞而恢之以雄畧不然

夫豈不知

九重之為安而端拱之足樂也況夫奉

安輿侍左右日靡間於省覲佳辰屆而上

壽視膳給鮮以笑以侑至於

勅幾政披章奏先晨鐘而求衣遲歲蕤于夕漏通萬里
於指掌因八荒之在囿洵

王者之無外沙磧曾不殊于宮囿更復

飛毫拈韻颺翔雲驟翩若游龍炳若緝繡雖游藝之餘

閒有以知

神功之曰懋尚復進角觝而決勝張畫侯而志毅益

睿哲文明信

天縱而時敏而健行不息則純嘏之多益而單厚由是
觀之丕闡

鴻模顯號也承歡

慈豫廣孝也垂裕少成至教也綏懷屏翰宏造也載纘武
功要道也行慶頒賚優勞也一舉而諸善備焉此

其為

聖天子之大獵而翰林子墨者流固不啻持螢爝而當
曦曜也頌曰廣甸膺膺

皇武履兮應鹿麋麋紛若跂兮我士孔武俟兮躬
桓藩輔執鞭弭兮式歌且舞惟

天子使兮湛露斯漙胥燕喜兮內訓外撫具衆美兮嗣
服

仁祖先後一揆兮昭茲來許多受祉兮

哨鹿賦

并序

汪由敦

哨鹿蓋索倫舊俗惟精於獵者能之

聖祖仁皇帝妙解其術歲以白露之候晨興

親舉高年弗倦衆蒙古王公從獵者驚傳以為神我

皇上行圍之次擇地數往且

御製賦述之雖未曾覩其事者讀焉不啻身歷而熟究
也非夫盡物之性察物之情而文足以達難顯之
隱者孰能與於斯臣承

命授簡踧踖失措謹獻賦曰

偉中林之攸伏紛或羣而或友當白露之既溥候
氣至而挾耦牡僮僮而游牝牝濯濯以求牡恒引
脰以長鳴交應聲而疾走既類別而區分儼畫疆
而據守怵同儕之我先猛奔集而恐後蓄忿妒而
狃疾貪無厭而廣取乘高驀其越岡就卑宛其在
數恃強姦捷以角逐迎合競進而膠糾爭前騰踏
以奮迅屢舉厲乃而抖擻揆厥聲之多變吻掀脣

而呿口曲者如語直者如詬長者如嘯遽者如吼
虞人以射獵為耘耔老更事於歲久匪弋獲之為
長契性靈而狎狃是以殫精竭思為哨鹿之術焉
以坐致而巧誘也時則嚴寒襲肌濃霜沾衣月冉
冉而欲墮星耿耿而未稀邃谷闐其幽杳陽崖閟
其朝暉蒙茸繁密犖確徑微林無雨而雪雪草不
風而萋萋乃屏徒御却驂駢弛夏服殷忘歸象首
戴角反裘蒙皮三兩為偶輕躡潜移禁聲斂跡伏

伺忘疲俄遠音之噉爾時迥出於烟扉爰舉長哨
匪茄匪角如倡如和忽徐忽數鼓中氣以歎激縱
善辨其罔覺更順旨以頻易恍相招而諧樂斯排
突而徑前魁雄特之卓犖擢高足之伎伎仰抗首
而橫恣冒先馳以矜長要衆雌而並至震疾叱以
驚却瞪睥目而直視尚乘興而顧戀鬱雄心於一
試昧深機之潛伏似吞鉤而貪餌斯時也伏草自
翳僵側若僵屏息傍睨察於微芒忖疾徐於遠邇

商分判於低昂神機割其雷駭立顛隕而洞吭或
輓輶之小衄仍決起而踉蹌終犄角以就獲寧漏
網而遠颺羣匹駭其迸散雜蹂撞而超驤苟趨疾
而旁驚羌遽引而披攘亦逃生倖免釋逋竄於窮
荒應節度而巧合審為樂之多方原夫聖人有作
利用畋漁網罟矰繳弧矢車徒冥氏穴氏山虞澤
虞蓋博取以備物獲三品而充厨亦順時而行令
匪耳目之為娛至於鶴因媒而鍛羽雉應驍而碎

軀狡同類之傾詐宜仁者之弗圖豈若呈妙解而
捷得奏神技於一呼旋首頰而臆仰灑毛血於平
蕪又何事騁驂騑於廣甸張羅畢於周陲信哉物
致其精術神於用勤弗辭勞動而皆中窮變態於
擇音釋覆蕉之騎夢補千古之闕文振

鴻篇而卑屈宋體至道以研幾懿五德之兼綜亶
智勇之首出擅

多能於天縱貌侍臣之弇劣惟鞠脰而莊誦固不待獻

司原之良箴奏長楊之嘉頌

後哨鹿賦

汪由敦

曉漏沉山月小紅燈明京薪燎

天子方御紫獺乘腰裏出旌門兮逶迤即長薄兮深杳
期門欽飛之倫肩神鎗負象首鞭弭橐鞬奔走先
後聽隔嶺之呦鳴覓前山之羣友於時嚴霜未結
山霧初低谷風凜冽林靄淒迷識途信馬遵路緣
蹄觸嚮知石間湍識溪百爾扈蹕鵠立遙俟乃有

芻蕘野夫蹢躅而前曰蓋聞古帝王清道而行大
昕而出鸞旗在前傳警聲蹕展軫授綬動必以律
僕御戒嚴尚凜奔軼繫哨鹿之可娛羌無關於政
術顧乃披蒙茸踐嵩嶽熊羆所馮虎豹所窟搏噬
直前伏莽竊發負險咆哮乘人倉卒此賈山所由
致戒於馳獵而相如殷殷獻規於銜檠也諸大夫
食鼎鍾都貴仕旅進旅退曰俞曰唯借曰未知情
前紀也知而不言秦越視也若謂吾豈無心力不

能止退有後言持祿奉已遇茲

堯舜之君顧安忍出此乎時則庶尹常伯盱衡而言曰
惡子何言之過也今夫泛江海者不以波濤之險
而迴橈登峻坂者不以要駕之虞而脫轡何則智
者恒預防於先事而勇者必禦患於有備獨不聞
掃穴之神鎗固莫當之利器乎使其聞鏐鏐之起
騰遽逡巡而却避是將懼陸梁而戢戈矛畏強禦
而弛法制其何以為治歟若夫沙苑五花渥洼汗

血越嶄絕以如砥損重巒以為埒邁空濶以奮迅
遇蟻封而旋折縱送惟時疾徐按節記曰不躓於
山而躓於垤履康莊夫且致戒更何虞於嵯嶢之
蹉跌且夫哨鹿之為技本索倫之舊俗陋罟罝之
周章息長圍之馳逐飭同類之殊羣曼長聲以相
屬遂尋轡以斯奔將直前而立角蓋深中其所忌
而倏乘其罔覺舉神械而命虔駭電發而颺速用
明智以坐獲懲驕妒而致戮苟取順而失禽弗窮

追而遠覺譬意釣之忘竿豈夢求於蕉覆夫其指之以類取之以義逸以待勞出其不意此克敵之長計也判遲速於俄頃量低昂於分寸揆地形之遠近究物理之利鈍此制事之大分也

聖哲必因時而熙績明主恒由舊而戒荒方今海寓寧謐鞬譯梯航恩洽九宇風行萬方然而兇年之士漸已遠羈勒而親羈屐沓革之旅亦且鄙弧矢而慕縹緲夫變古勢趨於積弱而保泰者力矯於蹈

常

聖主所為撫時增惕兢兢焉率

祖制而振乾綱也顧樂甘暴露而冒風霜也哉

夜亮木賦

汪由敦

戴斗之區擊壤之儔且耕且牧以蘓以賴暑雨既
溽澤潦未收風霧蒙晦鳥道阻修堂密為互榛薄
幽繆忽見夫光朗晶瑩璀璨洞明噓燄非紫揚輝
正青騰金蛇而未掣皚火樹之初熒豈傳薪之炯

炯將遺燎於星星爰躡蹠而俯拾煒灼爍而高擎
歸而詫其父老曰叟有覲於此者乎是何仙木之
降靈也時則龐眉三老携杖鳬趨睥睨懼忤顧語
其徒曰於樂

山莊實惟天都翳昔

神堯在御治軼華胥莫莫生階薏莆扇厨朱明清暑駐此
奧區山川畢獻其瑰異卉木殫效其珍符聿有亮
木曜于山隅枝膚剝落炳蔚特殊宣伐樹於撐輪

乍分月桂若浮槎而貫斗應掩星榆爰經

聖鑒麗製霞敷增輝緹縹垂比球圖懿我

皇之纘緒丕紹休於

烈祖臨玉塞以行秋歷長原而講武曰止曰時方壺懸圃

亶

天光之照臨雖朽木其作覩殆以供

清賞於幾餘勒

鴻篇於冊府也歟彼隋侯明月之珠田父夜光之璧上

林則鼉采碧琳西都則玫瑰降柏麗則麗矣終濟
夸而多僻又若瑶芝九光華蓋百影舍利現燈於
浮圖朱霞曜靈於丹井奇則奇矣亦不誕之徒逞
豈如茲木太樸未散大椿靈冥莫知其算幸逃匠
石之斤且免中郎之爨雲蒸日暄精鑠氣鍊厥靈
厥瑩其輝有爛雖潛處於幽遐恒昭晰而達旦良
積久而自彰詎因人而始銜是宜灑金壺摘

宸翰攄藻采之陸離倬為章於雲漢也聞者矍然而興

曰嘻歟方今

日月之華容光必照螢爝之微亦舒其曜棟梁宗楠任
各得宜枯木之末亦且弗遺泯我知識順

帝之則慶斯木之遭逢允克彰夫

聖德

欽定熱河志卷一百七

欽定四庫全書

史部

欽定熱河志卷一百八十五

詳校官編修_臣曹城

檢討_臣德生覆勘

總校官舉_入臣章維桓

校對官編修_臣勵守謙

謄錄監生_臣曹洪梁

欽定四庫全書

欽定熱河志卷一百八

藝文二

本朝

賦

秋郊大獵賦

梁詩正

惟

聖作都乃文乃武智勇天錫遠邁前古道洽化淳覃敷

下土繼志述事遙追

皇祖緬惟

謨烈之垂於鑠菟苗之舉乘農隙而詰戎兵歷周原而臨
津圃時巡經五十餘年賓服暨四十八部匪徒樂乎
從禽實以資乎講旅爾其寒蟲作語殘蟬咽鳴域
中氣爽塞上秋清開廣野而百里聳疊嶂之千層
露點山楓丹黃成幄潦收石澗清冽無聲草淺獸
肥則獫獫而俟俟風高馬健斯龐龐而駟駟撫良

辰之方屆應令典之時行

天子迺簡爾卒徒卜馬允吉六師載陳

萬乘以出旌幟飛揚驛騏走軼循一逕以逶迤喜百昌
之茂實雄闊瞻眺則馬上

賦詩廣陌諮諏則林間

駐蹕戒金吾之漫警無害田禾

詔賦額之量蠲克知民恤遂乃縈紆沙磧攀陟巖巖

凌百谷露隱三巖奮

卷一百八
一人之神武擁千衛之羆熊左右賢王負弓弩者從公
于邁渥洼名產效服襄者我駕既同行聯雁翅勢
總鴻網森鸛鵲陣之圖法嚴赤白羽之軍容綺霞
耀色皎日臨空將赴桓于七萃訖聲教而四通則
見夫野豕連羣黃羊彌陸雉兔星流麋鹿波屬始
則環林菁以成圍繼乃驟岡巒而爭逐任駭獸之
馳奔臨

至尊而懾伏惟時我

皇佩烏號挾夏服澤射麋林即鹿蹂躪封豨捎接鷺鷥
鷹逞攫拏盧供呼蹴風翎掣耳霜鋒睽目莽莽叢
搖飛鳥頸縮看一發之威張仍三驅之澤渥受殪
者流血朱殷逸圍者驚魂骸鯀用循狩野之文藉
供登俎之內陋上林於漢武嗤七澤於周穆於是
大綏罷抗上殺紛馱計鮮數獸牲牲孔多兩牡之
從莫比三狐之獲奚過

特賞聿酬乎虎旅餘恩兼逮夫鸞坡刀割火燔鱗次駢

羅殿儀以備其禮則那此

聖主載觀

耿光非侈雄風之賦而從臣欣傳盛事欲賡吉日之歌者
也夫

聖烈克善繼繩

大孝尤無永久有事武功敬求

文母黍禾低拂扶輦塋間幕殿高張問

安門右升幔城而怡

色笑既豫以康視御膳而進肥鮮維旨且有方閱秋中再
經重九受琛有艾納之香介壽薦菊花之酒雖大
漠其偶臨徵

尊養之彌厚

臣職司索筆行效

服裝數奉清塵於

豹尾獲瞻

偉績於龍驤力乏策鞭彌慙短馭才非作賦雅慕長楊
不諳釋氏之經未嘗止殺曾讀相如之疏頗鑒垂
堂竊綢繆於未雨願儆戒乎作荒凜登危之明誠

懷御朽之良方永為後式迪惟

前光歌曰時蒐畋兮奉祭祀戒不虞兮習戎矢考舊典兮

禮經煥新猷兮

天子仰

丕烈之於昭兮奉

慈顏之有喜涼風戒塗兮

法駕北指雲罕兮輕移塞垣兮戾止羽林夾扈兮連鑣

番部來同兮結軌大圍兮周環沿溪谷兮邈迤屹

如山兮逝如水百獸匿兮深林裏月弓星斲兮惟
君之使落飛鳶兮殪大兕法湯仁兮網乃弛大庖充兮
娛

慈寧旌門錫兮勞將士簡軍實兮柔遠邇苞桑永固兮千

萬紀

秋郊大獵賦

以天人同澤上下
交歡為韻有序

錢陳羣

是歲八月十日巳酉

上閱武行至準烏拉代地方道右之園既合

車駕詣行宮有

旨明日駐蹕於此修道左園及晨

上乘馬出宮門從官之執事園中者咸先期儲侍臣與

大學士臣查郎阿等侍立門右仰瞻

雲日霽色順時魚須之旗既導雕玉之輿既隨行未數

里遣侍郎臣傅恒傳

諭臣等綴筆為賦以紀斯典臣惟大閱載於春秋教田

垂於月令周宣內修政事外攘夷翟復文武之境

土會諸侯於東都以講武事其時詩人為之賦車
攻賦吉日以書其美弧矢以來茲為近古後世子
虛上林羽獵諸篇鋪陳過實君子譏之他若華林
之舉非其時元武之局於其地庾信張說擡擢揚
厲亦無取焉我

皇上法

祖勤民興仁興孝恩澤所覃沾溉庶類乃以安不忘危有
備無患四年冬舉大閱禮六年秋修大獵事八年

幸盛京恭謁

三陵謁租賜赦進從官階一級中外震疊歌咏明盛今年

七月下澣恭奉

慈闈復修田事凡行園所過之地皆

聖祖當日三至五至之區塞農野老林立道旁得睹

天顏無異為兒童時仰覩

神堯也而番部名王之率衆來迎者亦相望於途維時山

川效靈風雨和會

臣陳羣僉員

禁近得隨

輦路末行旃帳濡豪不文是恩謹拜手稽首而作賦曰
蓐收乘令少皞司天禱申房伯道指燕然選車徒
者數萬號賁育者三千揚

祖烈於龍沙平移華蓋奉

慈顏於黃屋廣列細旃肅馬政以訓五戎既閑既好遵秋
原以瞻百穀實粟實堅下令師中禁蹂躪於長路
沛恩畿近賜田租之半年夜雨知時潤庶草而征

衣不濕秋山入畫罨衆卉而鈴旆自妍於時鎖鑰
元戎屏息凜節穹廬君長抗手獻珍負弓弩者備
東樓之裔通膏沐者列西雛之賓拖締之矛非假
淬而後利射熊之館不待移而自陳規延袤以星
羅路方千有餘里偈爽塏以枰列圍設一十五巡
肅慎悉暈重圓聖乎又縱烏號自呈滿月天也非
人於是八部分行視前旌以為導兩翼競進拱大
纛而居中人影環山揮袂雲連駿馬蹄踏草風

來香染芎藭匝鷹窠之千嶺審瓜跡於三變洵無
幽而不入亦靡與之弗通凡茲輕鳥道而用命者
莫不因田事而抒忠則見驚羣影獸窟不能營挂矰
文禽木不能擇鹿麋麋而緣岡兔爰爰而越陌黃
羊之起殷殷斑雉之飛彳亍狐失水聽豹迷霧澤
狼雖顧而離披熊欲申而狼藉號虎迎

天弧以就殲大兕嬰地羅以自搯或迸石而墜崖或獲
雙於射隻縱突圍其延喘終鳧禡而神號爾其角力

既敵於羣材獻絕復及於衆養髯官遞噬天狗爭
獐奚奴指頤海青迅往隼脫韝而奮擊犬帶鈴而
直上小試則似石壓卵大受則如獅搏象中必要
害來必恟怵乍颺發於雲間仍馴伏於

御仗況夫德稱於駟力優於馬獸多若陵亘禽墮如雨
下實既登籍矢猶盈把按轡於戕嶮之峰馳驟於
廣莫之野于以見軍旅之止齊而餘勇之可賈也
衆志懌矣

皇情寫矣名墨卿而灑翰何揚風而托雅爰整七校爰
建長旃序涉涼候歷偏秋郊解湯網之恢廓筮顯
比之象爻簡左牒之上等進

慈寧之嘉肴貴胄公孤頌以肥脆羽林鷁鷺逮以燔炮豈
惟示雨露之均亦以定上下之交是役也發軔流
火迴軫初寒深谷長松迢遞盡乎遼土鐵漿芹菜
館舍覽夫契丹應氣而行鉅典撫景而得大觀示
禦攘課繕完威武耀磐石安惟

德車之遠馭占玉衡之長端賦成紀實歌以志歡歌曰
於鑠

皇旅則時邁兮仁育義正敷天對兮

祖烈重光威無外兮日未靡旃無已太兮又歌曰率左右
兮從羣醜還

宸居兮薦嘉占

天祿申兮昭受式下武兮

萬壽

秋郊大獵賦

謹序

劉綸

臣聞三田詳於王制匪止充庖四隙載自周官爰
勤講武故大閱以義舉大蒐以禮行俾步伐示我
行間而風聲貽諸遐聽六師繇茲有赫七德職是
無虧往牒彌文意同一揆伏見

皇帝陛下光宅海寓文武兼資湛恩龐鴻中外蒙福懿
惟

祖

宗時巡率狩永肩在今咨彼徼荒鱗集仰流內面亦久

迺以乾隆十四年秋七月戒臚人鳩禁旅校獵於
木蘭由啟塗訖歲事茂典脩濃化浹愉愉乎勿勿
乎昭晻之氣通歛誦之音作矣臣蘇蘆下走承跡
屬車瞻望清塵退而竊忤不揣禱昧輒受簡以為
之賦目尚迷夫鼯鼠敢云句擬子雲心冀識夫騶
虞或且嗤同曼倩焉爾

拊興桓以北睇臻穆納以南眺太行緣陞而疎嶂
滌水絕漠而增波六扇闔門塞日射丸泥之谷一

圍天幕邊風清勅勅之歌首塗則十二軌方繪秋
原於指掌奉引則三千迺卒園

法駕以駢羅是時也蓐收告辰大丙陪位雷聽麇班雲
捎罕翠遺人充其廕儲掌舍摻其極陞

離宮表記里之鼓九埜垣墉

馳道消甌脫之傾一家尉吏古卉服而窮居今雲宿
而露積蓋別部星萃周廬櫛比廣場郵置喁喁遂
遂以待

天子之所有事爾其曙曦昭回莽冒洞開橫襟雁磧高
枕龍堆長陟曼曼其無端倪鎗轟轟其轉魁

命大章豎亥之侶程翹闕超距之材而止止而行行宿
乎如陽施陰設儼一燾之綰中台也曰左左曰右
右趨乎若箕張翼舒俄雙旌之紉外迴也羌叢列
以茅班又轅轍而輻輳玦抱珥而環循綱引維而
目就閤闌大壑臆梯接而撞懸甬宰重厓睇人寸
而馬豆於是夏箴抽烏號發縱齊

指麾授快得雋於一呼矧疊雙手多又乍獠睨以鷹瞵
齒穿腋以刳脰突圍趯起下折角乎屏兕麕麕失
穴襴襪上縮趺乎鼪鼯猱狖洵不媒而不囿竟何
飛而何走

皇帝乃出和門遵靈囿奉

大安上

慈壽祝湯網斟堯酎則有蕃封君長庭實多儀

頒禽壓案行酒捧匱恭鞫臚起而敷辭昔也荷

皇祖之龍光令焉陪

卷一百八

聖孫之燕私建三驅於大甸爛九伐之閔規况新觀巴
子蠶叢之式化曾不煩寸纓尺組以縻之又奚俟
哆五柝於漢賦捫十鼓於周詩然後筮師貞而思
羣策圖王會以誌招携哉謹拜手稽首系之頌曰
天山窿窿塞草撫撫有若駝峯碣磴摺挂有若羊
腸洄沍衰豎

皇帝臨汝如閨如戶金風既樓

玉趾斯舉員獵員游山祇蹈舞足足般般四靈為府闔
乎

至仁皇矣

大武武纘厥

緒仁篤其祐元會萬億登三咸五

哨鹿賦

劉綸

皇帝幸上塞脩時畋五戎燁七萃闡三扈表禽二虞獻
殄別有守大羅氏之職者以致鹿告擇綏請前厥

制不畧不阱匪號匪筌從其類乎神以茲而金者
托於音矣哨可得而傳焉方其未之哨也瞰衆歸
伺叢薄測卉泉閬聚落為町為疇既登場以目營
或抗或風爰逐跡而臆度良有合乎師行之外譟
旁偵而豫紓夫卷甲啣枚之勝略至夫白藏露塗
青女霜鋪啟明東耿朏影西晡設宵田之燿火殊
夜獵之戴鑪時其簡練比其耦俱太人占之即鹿
無虞於是坂緣九折隊麗三伍旅屯於郭銳果其

阻聯絡聲援若偃若僂若肱若脅又不翅營陣之
六伐七伐五步七步駢坐乎散伏而暨部也其貌
之則皮其冠也角之芟然首之班然奚取乎中黃
朱鬣之植髮如竿也其名之則木斯竅也抑之冒
然抗之噉然無需乎淘河鳥脰之大號而小號也
當斯之時密利迦羅蹙蹙退求牡俟俟游牝祈
祈駢谷聲之自答宛命匹而要之退行于乎如遺
進暨暨乎如疑恍同同而睥睨訝異異而詆謀彼

跼然其獸舞紛胡為乎來思此闐然其人立矐不
知夫所為於焉呼急鎗捫列宿會若連襪解若脫
胷趣後車選徒而舉齒信

天弓不虛夫先穀僮銅牌之可識昨者憶釋網於
帝園或芟草之能銜今也願捧觴為

慈壽迺復有司衡之佐典澤之傳希光道周爰諮爰諏進
而稱曰蓋聞至人寓物造化神謀故叩或驢負雉
或媒求意釣者時忘其魚入羣者不驚其鷗苟有

氣乎斯應豈於林乎是搜凡天降與地出寧盡縹
以窮韞方今

聖天子德化醇粹彌洽溼陬庶彙由庚咸和咸柔詎惟
在園者感姬文而攸伏居山者際重華而與游也哉
上乃摘天藻

勅賡載羅訓典陸雕績

皇綱帝紘囊括乎園內雖有馬鄭專家鄒枚齊輩隸事
罕習卮言失概未效江陵射者之吹竊陋畝邱封

人之對莫不居觚臠喙操牘汗背遷延而辭退

哨鹿賦

謹序

于敏中

皇帝臨御以來海宇乂安羣生茂育殊方別區沐
德化而瞻威稜者莫不陸驚水慄奔走內附乃履盛暢
若逸不忘勞歲以秋八月蒐於塞上繼絕

祖武有事於哨鹿順時應機即小喻大義宏且遠爰於

武帳濡翰抒藻

親製前後哨鹿賦翕若璧合粲然錦襄長言載賡纖悉

具舉美哉洋洋乎天地之大文古今之能事備矣
彼相如賦上林揚雄賦長楊詞夸意騁固璣璣焉
不足稱嫺若射雉一賦體物繪情可謂擬諸其形
容矣而義囿於文莫能籠蓋萬有以方

聖製殆猶瓦缶黃鐘難以儕響者也

小臣

無似承

命給札神惴汗惶不知所云退而齋心殫思積時累日
忘弇鄙之愚誌賡颺之榮譬諸燭火思附光太陽
而蛙黽妄依聲天籟也敬拜手稽首而獻賦曰

蓋聞哨鹿之為制也實權輿於索倫匪角力以鬪
捷弗詭遇以擒羣酌劑乎仁義衷度乎屈伸離合
盡熊翕闢互根其動也無端其致也不紛占即鹿
之無虞厥功婉乎至神猗歟

聖祖爰躬爰親我

后是則續茲武功叶練吉日撰良辰肅周徽戒虞人曳

羽罕靡雲旂叶清道按列天行星陳駢衍陸離迺

莅止乎木蘭其為地也沃墊千里連山逶迤嵒嵒峩鬱

嶽崙碣礪周表包絡以界乎左右叶邈谿衍之中
豁峙儲胥與槍鼎豐彼圃草芊綿猗靡帶以羊腸
之河阻以伊邇之水峻者如削平者如砥曲者窮
繚曠者哆侈騁覽矚於巘原渺不知其遠近叶是
盖天闢神壤隕衍豐矣廣陪漢苑樂均靈囿叶無
事設以周法而足供三田植旌抗綏之所叶若此
故其地乃可喜也爾其磅礴鬱積物產斯聚毛羣
羽族穴藏谷處禽經不暇載獸簿不及舉彼伊尼

之蕃息更日孳而歲廣叶有麇有麇有麇有麇判
彼麇麇差其麇麇叶蛙蛙跂跂蹠蹠麇麇七星八
歧雙頭一角殊形而詭狀者蓋不能以更僕數爾
乃白藏屆商風引露既降木葉隕乳字以時匪靈
伊蠢紛其求牡習焉遊北既挾偶以兼羣遂分圻
而畫畛逞驍健以自衛僬環角而植吻或寢或訛
或馴或踳忌他族之實偪選同類之相近彼孱弱
者逡巡睥眄已望形而化睨而桀雄據守夫澤中

方且睥睨旁睨畜趙猛而餘忿故得因勢施巧乘
間度情攻其無備奪其必爭伊濯濯之與居信呦
呦而善鳴爰制器以象之乃能疾徐進退宛轉而
相迎匪笳而淒匪笛而清脰無取乎淘河管弗效
乎簧笙把宮彈角翕焉中音叶是則哨之為用所
以握勝而操羸也於時清霜慄側宿烟蒼莽朧影
西流啟明東上巖韜景以晻曖野含曙而曠曠迺

簡徒御屏衛仗星廬拱和門敞七校靜六轡騁叶玃鐙

絕列以雙導羽騎眈分而犄張叶前驅後扈或三
或兩枚肅無譁鈴戩無響驟躩躩以相羊於馬望
崖嶺而過往爰荷長哨被短衣其裘則獺其冠則
皮載以象首出諸麓笥綴毛體之般般聳义角以
簪簪擊彼町疃挂茲蒼翳始蠖伏以密伺徐跂張
而仰聞既儲精於閒寂奮先聲以出奇虞原獸之
罕至因舉哨以宣之脣引則響集吻吮則音移噉
然而高窮然而微齟囉嚙霰如倡斯隨啗啖紆鬱

若距若追噤如引吭噓如鼓頤懾狡黠于幽遐應
友聲而是求叶于旁皇睚眦錯愕將前忽却既
進復沮魂悚悚以狼狽心惺惺而猶豫懼羣匹之
或失矯長鳴以捍禦恣狼戾而獷發突生猜而觸
妬乍凝聽以曲睨旋擢身而思赴鬱狂迸而陸梁
恃角搶與題注狡焉願鬪瞥爾相遇斯時也厭躡
深潛屏息矚顧不震不撓不徐不遽迨心煩而伎
憊始悚立以騰湊叶倏脫帽以呈形忽應叱而少

住翳喬桀之殊才遂乃脈脈矜矜子蛻瞪眈而不
能去於是釋哨具進神鎗規分判測毫芒心平視
審手正機張奮駢聲激流光黦黦煜煜霆擊雷轟

叶 眨電火之一掣已中髑而洞腸或小創之蹶起

俄應聲而復僵亦有去如脫兔駭若驚麋或挺而
驚或怯而尫或冒霍以森迅或蹙竦以霧藏擗捻
躍而盤辟若負固而不自量準鯨牙之軒轅又無
不殪於廣莫之場至若或騰或倚或羣或友掉而

不來逐之輒走緬驚怖以卻步尚倏眴而抗首膽
劣目眴足蹠跡夙遽聞聲而逋竄莽凌躡而相蹂固
縱之而弗追亦舍旃而弗誘掩不計多獲不厭少
叶失也其常得也其偶斯蓋仁者之事君子所取
又何必單戈彌谷爵罍敵數前遮後犇徼刼屬軌
叶他他藉藉乃為脩物而咸有哉既而

皇清洽恩澤宣弭節乎神皋儲與乎皮軒乃論上射乃
擇左肩登於大庖以炙以燔嘗其旨否進諸

大安割鮮染輪野饗從官升觴既醕羣情悅懽咸避席擎拳鞠臚而頌曰允矣

聖人如天之好生

叶

遊非樂乎耽盤義固準夫秋獮欲

左者左欲右者右有殷湯祝網之仁焉舍逆取順

失禽不誠有周文三驅之訓叶焉信乎美善莫得

而形容徵引無藉乎更端者矣矧愚臣之孱弱徒

授簡而拘牽職有忝乎執戟力不勝夫控弦目未

睹秋田之盛身未習講武之班驟與語夫哨鹿等

捫燭而扣槃竊幸蹈詠

奎藻紉繹鴻篇庶聾聵之一振聆鐘簋之在縣縱極揣
靡窺測雍容揄揚曾未能得其涯涘又何足補於
邱山也哉

跋

御製避暑山莊三十六景詩恭跋

張廷玉

康熙五十一年六月

臣等恭注

御製避暑山莊三十六景詩仰見

皇上聖學崇深含經味道純粹以精發為詩歌上繼雅頌
囊括百家臣等學識舛陋管窺蠡測未能宣揚盛
美茲蒙

恩諭俾得附名簡末且喜且愧不容於心欽惟我

皇上聲教覃敷極天所覆盡入版籍要荒之外率同畿甸

自京師東北行羣峯迴合清流縈繞至熱河而形
勢融結蔚然深秀古稱西北山川多雄奇東南多
幽曲茲地實兼美焉蓋造化靈淑特鍾於此前代

威德不能遠乎人跡罕至

皇上時巡過此見而異之念此地舊無居人闢為離宮無
侵民田廬之害又去京師至近章奏朝發夕至綜
理萬幾與宮中無異乃相其岡原發其榛莽凡所
營構皆因巖壑天然之妙開林滌澗不采不斷工
費省約而綺綰繡錯煙景萬狀標其尤者凡三十
有六清涼爽塏於夏為宜每至盛暑則奉

皇太后駐蹕焉泉甘土沃居此適時

聖容豐裕精神益健蓋

皇上憂勞萬民德合於天

皇上之遊息也臣等忝列侍從時

賜讌遊諸景皆嘗目擊而莫能摹寫及伏讀

御製詩則林泉蒼靄一一湧現於胸中蓋此地之景乃天

地山川自然之氣所發著非

皇上化工之筆莫能傳也而臣等尤有厚幸者伏讀

皇上御製避暑山莊記及諸詩奉

慈闈則徵寢門問膳之誠憑臺榭則見茅茨不剪之意觀
溉種則念稼穡之艱難覽花蒔則驗陰陽之氣候
玩禽魚則思萬物之咸若凡讀者因詩以求諸景
之勝豈獨未見者如親歷哉即

皇上敬天勤民與覆載同流之氣象可以昭示天下萬世
永永無極矣

御製古長城說恭跋

汪由敦

御製古長城說以化工之筆行自然之文深入顯出字

宙在手尋繹再四心目曠然在昔山經地志類出
文人承傳沿襲掇拾諏採輒矜為創獲其經目觀
記可覆按者百不一二數也況絕塞僻遠遊躅所
不至之地哉茲以

六御所經名王部長旃裘之衆親履而指數之其核實
為何如者且謂天地自然所生以限南北尤不易
之論蓋嘗觀之百家之聚千室之邑率有岡巒川
阜縈迴環抱之勢至通都郡國則具阨塞阻要顯

然為之疆域屏翰皆非人力所能為聖人者為之
相其陰陽建城郭宮室規重門禦暴之制無非因
其自然易曰地險山川邱陵也王公設險以守其
國此物此志也蒙恬之為長城後人專罪其長惡
勸民其垂死所歎為絕地脈者一若設詞以自文
而不知其拂天地之經而不因其自然彼固未嘗
不自知之而深悔之也然非親歷而得其實其孰
從而證之或疑塞外蕃部聯屬雖逐水草亦各有

分地且此故元上都興州近境安知非昔之居是者殘壁故壘荒略失傳者耶是或未可知然西北之瀚海流沙東北之窩集是非天地所限耶不寧惟是凡大川之達江海其入處必有沙橫亘若戶闕然濬輒復淤是乃在水中又豈昔人所為耶觀此則天地所生自然者益信

碑記

勅修承德府

關帝廟碑記

梁國治

乾隆四十三年歲在戊戌

詔升熱河廳為承德府其餘六廳改隸為州縣於是鼎建
文廟選造生徒增置解額以明年己亥五月

上親詣釋奠是月復

詔協辦大學士尚書英廉侍郎和珅重修麗正門右

闕帝廟改易黃瓦殿宇崇閎規制大脩臣國治恭承
嘉命為文以記臣竊惟古者立國必先建學設廟所以

定民志一耳目也承德近接塞垣前代聲教所不
及邊關之氓不見通都大邑禮樂威儀之盛非一
日也我

國家揆文奮武邁古超前自

聖祖肇啟山莊成都成邑朝宗輻湊萬國會同我

皇上觀揚

光烈四十五年以來開闢疆宇二萬餘里自蒙古諸王公
喀爾喀及四衛拉特回部諸藩等莫不傾心託命

天眷有德

奔走俯伏來享來庭於是承德為古北口外一大都會將山川靈淑之氣蘊於古而發於今耶抑

聖天子赫聲濯靈薄言震之莫不震疊者也夫制禮以作民敬也立廟以作民誠也

闕帝廟祀遍天下各直省府州縣建祠設像守土官吏歲時展謁典禮視

文廟況承德距京師數百里

日月所照臨中外所瞻就

卷一百八

廟貌之成可以見

國家褒崇忠義凜乎綱常名教之大焉可以使遠近
更易觀聽動其嚴威儼恪之忱焉秩祀之修庸可
已乎工經始於乾隆四十四年五月越明年五月
工竣凡用銀五千八百九十三兩有奇新廟既成
文武吏士邦人咸喜而蒙古外藩歲時朝覲者亦
展禮廡下以申畏神服教之誠以昭

文德武功之盛

臣

國治奉

命撰述與有榮也謹拜手稽首恭記

欽定熱河志卷一百八